



Innuttaasut peqqinnissaqarfillu akunnerminni tatigeqatigiinnerat ataqeqatigiinnerallu annertusarnissaa anguniarlugu atorfillit atuisullu oqaloqatigiinnerat annertusarnissaa anguniarlugu peqqinnissaqarfinni immikkoortortaqaqarfinilu tamani atuisut siunnersuisooqatigiivnik pilersitsinissamut periarfissat misissornissai pillugit Naalackersuisut peqquneqarnissaanik Inatsisartut aalajangiiffigisassaattut siunnersuut. Misissuineq aningaasatigut kingunissaanik nassuiaassaaq UKA2023-lu nallertinnagu tunioranneqassalluni.

(Inatsisartunut ilaasortaq Anna Wangenheim, Demokraatit)

(Siullermeerneqarnera)

Demokraatit Inatsisartunut ilaasortaataitaanut siunnersuummut silatusaartumut qujanaq.

Qularutissaanngilaq, Peqqinnissaqarfimmi unamminartoqaqimmat. Sulisunik amigaateqarpoq, ajoraluartumillu takusarparput, innuttaqartugut, Danmarkimut angalasariaqartartunik namminneq akilikkaminnik, nammineq meerartilluunniit pitsaasumik eqqortumillu nakorsarneqarnissaat anguniarlugu. Tamanna ajoraluartumik pitsaanngilluinnarpoq.

Taamannak oqareerlunga, manna iluatsillugu peqqissaasunut, nakorsanut, portørinut, isumaginninnermut-peqqinnissamullu ikiortinut aammalu allanut, Peqqinnissaqarfitsinni sulisunut, qujassutigaa annertoog ingerlateqqinniarpara. Annertuumik suliniarputsi pitsaasumillu sorsuutigalugu innuttaasut tamarmik pitsaanerpaamik nakorsarneqarnissaat. Ilissi pisuussutigingilarsi, sulisoqarnermi ajornartorsiuteqarneq, sulisussaaleqineq il.il.

Tulluannngilaq, pakatsinerit sulisunut tutsittarneri, tulluannngilluinnarporlu, sulisut tamanut takusassiarisarneri inuit naapittarfiini. Taamaattumik isumassarsiatsialaavoq, atuisunut siunnersuisooqatigiinnik pilersitsinissaq sulisut ilinniarsimasut akornanni oqaloqatigiinnerup annertusarnissaa anguniarlugu aammalu innuttaasut tatiginninnerisa innuttaasullu peqqinnissaqarfiullu akornanni ataqeqatigiinneq annerulersinniarlugu soorlu uani Demokraatit Inatsisartunut ilaasortaataitaanit Anna Wangenheim-imit siunnersuutigineqartoq.

Atuisut siunnersuisooqatigiivi taamaattup Peqqinnissaqarfiup innuttaasullu akornanni ataqatigiissutaasinnaalluarpoq, amigaatigisarput oqaloqatigiinnerup annertusarnissaanut innuttaasullu pitsaanerusumik misigisaqarnissaannik Peqqinnissaqarfimmullu paasinninnerulernissaannut amigaatigisimasarput.

Siunnersut akuereqqullugu innersuussutigineqarpoq Ilaqutariinnermut- Peqqissutsimullu ataatsimiititaliami oqallisigineqarnissaa innersuussutigalugu.